

ლიტერატურათმცოდნეობა    Литературоведение    Literature

ნესტან სულავა

ქუთაისი, საქართველო

გენდერული დისბალანსი ვანის ქვაბთა მონასტრის პოეტ  
ქალთა ცხოვრება-მემკვიდრეობის მიხედვით

ვანის ქვაბთა მონასტერში, სადაც XV-XVI სს. დედათა მონასტერიც იყო, კედლებზე მონაზონ ქალებს თავიანთი ნაფიქრ-ნააზრევი ლექსების სახით წაუწერიათ, მცირე ნაწილი მათივე შთახსულია, მეტი წილი დამოუკიდებელი ლირიკული ნაწარმოებები ან ფოლკლორული ნიმუშები. წარწერები შეუსრულებიათ გულქანს, ანა რჩეულაშვილს, თუმიან გოჯიშვილს, შადაბანი სულთანს და ხეარამზეს. გარეგნული სილამაზით გამორჩეულ პირადი ცხოვრების გამო გულდათუთქულ ქალებს ჰყავდათ მიჯნურები, რომელთაც დააშორეს ჩვენთვის უცნობი მიზეზების გამო. სასოწარკვეთილნი მონასტრის კედლებს ანდობენ თავიანთ განცდებსა და სადარდელს, ღმერთს შესთხოვენ ცოდვათა შენდობასა და სულის ხსნას. მათი სახით წარმოსწდებიან მგრძნობიარე, ცხოვრებით გაუხარელი პოეტური ბუნების მქონე ახალგაზრდა ქალები, რომლებიც თავიანთ განცდებს სიტყვას ანდობენ და ცდილობენ ფარული, მძაფრი გრძნობების კედლის წარწერებში შენახვას. ეს წარწერები წარმოდგენას გვიქმნიან XV-XVI ს-ში არსებულ გენდერულ უთანასწორობაზე.

ადამიანის უფლება-მოვალეობათა, პიროვნების ღირსების, თავისუფლებისა და აქტივობის, ძალაუფლების, ოჯახის უფროსის, დროის განაწილების, გენდერული ასიმეტრიის პრობლემათა განსახილველად ეპოქათა მიხედვით ერთ-ერთ აქტუალურ პრობლემად მიიხსენიება თანამედროვე ჰუმანიტარულ და სოციალურ მეცნიერებებში. იგი განსხვავებული სიტყვიერი კულტურის ძეგლებში სხვადასხვა დონეზე ვლინდება. ამ თვალსაზრისით შუა საუკუნეების ლიტერატურულ-კულტურული ძეგლების განხილვას საინტერესო დასკვნებამდე მივყავართ. ვანის ქვაბთა მონასტრის ქალთა ცხოვრებასა და პოეზიას განვიხილავთ გენდერული თვალსაზრისით.

ვანის ქვაბთა მონასტერი დაარსებიდან მოყოლებული მამათა მონასტერი იყო. ტაძრის კედლებზე შესრულებული წარწერები კი მოწმობს, რომ XV საუკუნის მეორე ნახევარსა და XVI საუკუნის პირველ ნახევარში ვანის ქვაბებში ქალებიც იყვნენ. ეს იმას გვაფიქრებინებს,  
- 201 -

რომ იქ ან დედათა მონასტერიც იყო, სადაც მონაზონი ქალები მოღვაწეობდნენ, ან რაღაც მიზეზების გამო იქ ქალებიც გახიზნეს//გადაიყვანეს. ამ პატარა ეკლესიის კედლებზე 40-მდე წარწერაა, მათგან ნაწილი პოეტურია, ნაწილი - ინფორმაციული ხასიათისა. მონაზონ ქალებს მონასტრის კედლებზე თავიანთი ნაფიქრ-ნაზარევი ლექსების სახით წაუწერიათ, მცირე ნაწილი მათივე შეთხზულია, მეტი წილი დამოუკიდებელი ლირიკული ნაწარმოები ან ფოლკლორული ნიმუშია. წარწერები ეკუთვნით გულქანს, ანა რჩეულაშვილს, თუმიან გოჯიშვილს, შალაბანი სულთანს და ხეარამხეს. წარწერები მოწმობს, რომ მონაზონი ქალები პირადი ცხოვრების გამო გულდათუთქულნი არიან, მათ ჰყავდათ მიჯნურები, რომელთაც დააშორეს ჩვენთვის უცნობი მიზეზების გამო. სილამაზით გამორჩეულობას მათთვის ტანჯვის მეტი არაფერი მოუტანია. სასოწარკვეთილი ქალები მონასტრის კედლებს ანდობენ თავიანთ განცდებსა და სადარდელს, ღმერთს შესთხოვენ ცოცხათა შენდობასა და სულის ხსნას. ქალთა წარწერები საქართველოს ისტორიის უმძიმეს ხანაში, მტერთა შემოსევებისა და თავდასხმების დროსაა შესრულებული, მაგრამ მათში ქვეყნის პოლიტიკურ-სოციალური ვითარება არ ირეკლება, ისინი მხოლოდ თავიანთი პირადული განცდებით აღსაესენი წერენ ამ სატრფიალო-სამიჯნურო ხასიათის ლექსებს, მეტწილად სხვისას ან ხალხურს, საიდანაც ჩანს, რომ ამქვეყნიურ სიამოვნებათა დათმობა უმძიმთ; მათში უფრო ძლიერია ამქვეყნიური ცხოვრებისადმი სწრაფვა, ვიდრე სულიერი ცხოვრებისადმი. ისინი უზივიან სოფლის წარმავლობასა და დაუნდობლობას, იგრძნობა გარეგნული სილამაზისა და სიყვარულის დაკარგვით გამოწვეული მძაფრი განცდები, გულსტკივილით აღნიშნავენ, რომ გაუხარელი ცხოვრება აქვთ და ხსნას ეერ ხელავენ. მათი მძაფრი განცდების ამსახველი ყოველი სტრიქონი იმას მოწმობს, თუ როგორ შეიკვალა ადრეული შუასაუკუნეების შემდეგ ადამიანის ინტერესები და სულიერი ცხოვრება, დამოკიდებულება ღმერთისადმი, რწმენისადმი, ცხოვრებისადმი.

ვანის ქვაბთა მონასტერში შემონახული კედლებზე წარწერილი ლექსების ისტორიულ-ლიტერატურული საკითხები მეოცე საუკუნის 50-იან წლებში შეისწავლეს ე. ცისკარიშვილმა, კ. კეკელიძემ და შ. ონიანმა (ცისკარიშვილი, 1954: 168-180; კეკელიძე, 1959; ონიანი, 1959-1: 187-293; ონიანი, 1959-2: 33-40; ონიანი, 1960: 33-42). უნდა აღინიშნოს, რომ ამ პოეტური შემკვიდრების კელეა საინტერესო აღმოჩნდა გენდერული თვალსაზრისით, რადგან მონასტერში მეოფ ქალთა სულიერი მდგომარეობა მოწმობს ქალთა შეხლულულ სოციალურ უფლებებს და წარმოდგენას გვიქმნის იმდროინდელი სასოგადოების დამოკიდებულებაზე ქალებისადმი და მამაკაცების აღმატებულ უფლებებზე მიუთითებს.

თუმიან გოჯიშვილი საოცრად მგრძნობიარე, სეკუდანი, რომანტიული პიროვნება ყოფილა, რაც წარმონდგება მისი წარწერების შინაარსით, რომელთა მიხედვით ღვინდება მისი გამიჯნურება ეინმე გოდერძიზე, იგი მისთვის დაუშორებიათ და მონასტერში მიუყვანიათ. ამ ინფორმაციის მიღმა ტრაგიკული სიყვარულის ისტორია იკითხება, რაც, აგრეთვე, ქალთა სოციალურ სტატუსსაც წარმოაჩენს. მართლაც, წარწერებიდან ჩანს, რომ თუმიანი იძულებით, მისი ნების წინააღმდეგ აღუკვეცაეთ მონასტრად მიჯნურობის გამო (ონიანი, 1959-1: 38). აღნიშნა, რომ ვანის ქვაბთა მონასტერში აღკვეცილი თუმიან გოჯიშვილი, სხეებიც, თავიანთი სურვილის წინააღმდეგ იმყოფებოდნენ მონასტერში, რაც მათთვის სატანჯველი ყოფილა. მათ კედლებზე წარწერილ ლექსებში გამოხატეს თავიანთი განცდები, დარდი, წუხილი, უკმაყოფილება იმ

სოციალური უთანასწორობით, რაც, ფაქტობრივად, გენდერული პრობლემაა; აქ წარწერილი ტექსტების მიხედვით, დასჯილია მხოლოდ ქალი, სასჯელი მამაკაცს არ ეხება. სიყვარული ერთნაირად იმორჩილებს ყველას, მაგრამ ქალს განსაკუთრებული თავშეკავება მოეთხოვება სიყვარულის გამჟღავნებისას. თუმიან გოჯიშვილი, განსახილველი საკითხის შესასწავლად არა აქვს მნიშვნელობა იმას, არის თუ არა იგი კედლებზე წარწერილი ლექსების ავტორი, მათში აქსოვს თავის უდიდეს განცდებს, სულიერ ტკივილს, რომელიც ასე ძლიერ იგრძნობა ამ სტრექონებში. დავიმოწმებ ერთ მათგანს:

ქ. წერილად ნახევწო ისარო, ქალაქს ნაღებო ინითა,  
 ყირმიზი რეალის პერანგი გაცვია ოქროს ღილითა;  
 ნეტაეი შენთან მამყოფა, შენთან გამაძლო ძილითა,

მაგ შავარდენსა თეალ-წარბსა მაკოცნა ბაგე-კბილითა (ონიანი, 1959: 39).

ტექსტის შინაარსი და ლექსიკა გვაფიქრებინებს, რომ ავტორი მიმართავს მამაკაცს, რომელიც მას უყვარს, „წვილად ნახევწო ისარს“ ამგებებს, რომელსაც ოქროს ღილიანი „რეალის პერანგი“ აცვია, ხოლო მისი თეალ-წარბი შევარდენთანაა შედარებული. ამათგან მამაკაცის გამოკვეთილ მეტაფორად ყველაზე მეტად „შავარდენსა თეალ-წარბსა“ შეიძლება ჩაითვალოს. თუმიანს ეს ლექსი ისე გადაუკეთებია, რომ ლექსის ადრესატად უთუოდ მამაკაცი მიჩნეულიყო. ლექსს ხალხურ სიტყვიერებაში რამდენიმე ეარიანტი აქვს, რომლებიც საწინააღმდეგო მოსასრების გამოთქმის საფუძველს იძლევა, კერძოდ, ლექსი ქალისადმი მიძღვნილი და არა მამაკაცისადმი, რაშიც გვარწმუნებს შემდეგი სიტყვები: „კაბანო ხავერდისანო, შეიძკან საყრელნო ღილითა!“ (შანიძე, 1931: 128). ჩანს, რომ ლექსი თუმიანმა თავისი გრძნობების გამოსახატავად გადააკეთა. მას ლექსი კედელზე დიდმა გრძნობამ წააწერინა, ამიტომ ისეთი მეტაფორები და მხატვრული სახეებია შერწყმული, რომლებიც მამაკაცსაც მიესადაგება. ფაქტობრივად, თუმიანს ლექსი მამაკაცის ღირსებათა წარმონენისაკენ მიუძღრთავს, მასში ჩაუქსოვია ეპიკაოსის სიძლიერე და მომხიბველულობა. ეს კი თუმიანის დამსახურებაა. აქვეა სხვა ლექს-წარწერებიც, რომლებიც მისი შემსრულებლის შინაგან განცდებს გამოხატავენ. ესაა ლექს-წარწერა „ლომო განაღამც მიყვარხარ“:

ლომო განაღამც მიყვარხარ შენებრ ეერავის სადარად,

წყალად ეეფრატად გიტყვიან, გულად - როსტომის სადარად;

ტანი ახატსა საროსა ნარნარად აყვავებულსა,

მე გული კვლთა არა მყავს, თუ არ შენ გახლავს სადარად.

იქვე იკითხება წარწერაც: „ვაიმე იმედო, ნახეამდის, თუმიანსა დამიწვრია“. ლექსი მოწმობს, რომ მისი ავტორი მხატვრული აზროვნებით გამორჩეული პოეტია. ტექსტში ღომის მეტაფორით წარმოდგენილი პიროვნება გარეგნული სილამაზით გამორჩეული უნდა ყოფილიყო, მისი ტანი საროსთან, თვითონ კი ეეფრატის წყალთანაა შედარებული, რაც გავრცელებული მეტაფორაა საერო ლიტერატურაში. აქვე იხსენიება „როსტომიანის“ პერსონაჟი როსტომი, რომელსაც ავტორი ადარებს თავის მიჯნურს; ჩანს, რომ ქალის სიყვარული ტრაგიკულად წარმართულა. ყოველივე ეს მოწმობს, რომ თუმიან გოჯიშვილი თავისი სურვილის წინააღმდეგ იმყოფებოდა მონასტერში, რაც მას ტანჯავდა.

ერთი ორტეპიანი ლექს-წარწერა იშვიათი პოეტურობითა და სახე-ხატებით გამოირჩევა,

მიჯნურის სულიერ მდგომარეობას, მიჯნურის მშვენიერებას მიანიშნებს:

ქ. მსეო, გიშ(ე)ენის წალკოტი ხილითა და ხეენართა,  
უწყლოდა მოკლავ მიჯნურსა და გულსა დახეე ნართა (ონიანი, 1959: 33).

მონაზონი გულქანი, რომლის სახელითაც ორი ლექსია ცნობილი, ე. ცისკარიშვილისა და შ. ონიანის დაკვირვებით, გეარად შალიკაშვილი უნდა ყოფილიყო და უნდა ეცხოვრა XV-XVI საუკუნეების მიჯნაზე. შ. ონიანის შეხედულებით, გულქანი და ანა რჩეულაშვილი თანამედროვენი იყვნენ და ერთმანეთს იცნობდნენ, რადგან გულქანი ანა რჩეულაშვილის მიერ შესრულებულ წარწერაში იხსენიება: „გულქანსა უშუეულ ცოდეილსა. შენ იცსენ მისი სული ყოელად წმიდაო დედოფალო“. გულქანის წარწერის მიხედვით, მონასტერში მყოფი ქალი ჯერ არ იყო გათხოვილი, მანუარს წაუყვანია „ქალად და გასათხოვარად“. ფიქრობენ, რომ მანუარი გულქანის დედის, ქეთონის ბიბა ყოფილა. თუ ეს ასეა, მაშინ მანუარის სრუნვა გულქანზე გასაგებია. ქეთონის შვილები მესხეთის თავადიშვილთა საგვარეულოებს შორის მოიხსენიებიან, ისინი შალიკაშვილები ყოფილან. წარწერაში გულქანი მიმართავს დმერთს, დეთისმშობელს, წმინდანებს, მთავარანგელოზებს. იგი იმასაც მოწმობს, რომ გულქანი გარეგნულად ძალიან ლამაზი იყო, რაც ეამაყება კიდევც. გულქანის მიერ კედელზე შესრულებულ მეორე წარწერაში ავტორი დეთისმშობელს ვედრებით მიმართავს, შესთხოვს ბოროტ ძალთაგან, მტანჯველთაგან გათავისუფლებას.

ქ. დმრთის მშობელო, შენ ცოდეილთა მეოხი ხარ უშურველი,

შენ აღკოცე ცოდვა ჩემი უმრაველესი, უთვალველი,  
მე სამოელ ტანჯეად მაწვევს უშიში და უკრძალველი,  
მწეო ჩემო, შენ მიშეელე, გამოცხნასა შენგან ეელი.

მრავალ-თვალნი ანგელოზნი შენგან ძრწიან ძაღნი, დასნი,  
ჯოჯოხეთით მოციქულნი გამოეიდეს ბეერ-ათასნი (ონიანი, 1959: 36).

ლექსი არასრულადაა წარწერილი, არც ისეა ცნობილი, გულქანი ამ ლექსის ავტორი არის თუ არა, მაგრამ იგი ყურადღებას იქცევს სახეობრივი თვალსაზრისით, მასში სამი უარყოფითი ძალაა აღამიანის, კერძოდ, თვით ავტორის მტანჯველად დასახელებული: სამოელ, მრავალთვალნიანი ანგელოზი, ანუ დაცემული ანგელოზი, და ჯოჯოხეთის ბეერ-ათასნი მოციქულნი. ბოროტ ძალთა დასახელება მიუთითებს, რომ გულქანი ქალის სოციალურ მდგომარეობას, გენდერულ უთანასწორობას შეეწირა.

ასხლგაზრდა ლამაზი ქალის, ანა რჩეულაშვილის, წარწერებიც ნათლად მოწმობს, რომ ისიც იძულებით გადაუყვანიათ ეანის ქებათა მონასტერში, რის გამოც ხშირად უჩივის თავის უიმედო, მძიმე სულიერ მდგომარეობას. მისი მონასტერში გადაყვანის მიზეზი გაურკვეველია; პირდაპირ არც ის ჩანს, რა სტატუსით იმყოფებოდა იგი მონასტერში. მის წარწერებზე დაკვირვებით მხოლოდ ის შეიძლება ითქვას, რომ მას ჰყოლია და, ამა, რძალი, რომლებიც ძლიერ ჰყვარებია, მათთან განშორება მას ძალიან გასჭირვებია. მონასტრის პირობები მისთვის მძიმე ყოფილა, რასაც წუხილით აღნიშნავს კიდევც: „რა ექნა, მე შავსა არა მაქვს საქმე კეთილად ქმნილ. შევსარებივარ სიკედილსა შემადრწუნებელსა“ (ცისკარიშვილი, 1954: 175; ონიანი, 1959-2: 35). ანას წარწერები ძირითადად უძლიერეს პირადულ განცდათა შედეგად შეუსრულებია. ერთი

მათგანი საკუთარი სავალალო ხეედრის გამო გოდებაა, ქალს მხსნელად ღვთისმშობელი ეგულება: „ანასა უშუელე ცოდვილსა. შენ იკუნ მისი სული ყუელაწმიდაო დედოფალო, მიშუელე შენისა ძისა სიყუარულსა" (ცისკარიშვილი, 1954: 175). მეორე წარწერაც გოდებაა: „ქ უხწნელო ღმრთობისა ხატო შემობრალე... სულ საუკუნოსა დამდეგა ოცი ოთხშაფათი, პარასკევი მარხვა შემომიწირაეს... შეიწირე ღმრთობისა ხატო, თუ რამე მეშუელებისა რაცა შემოწირაეს ისრე გაუთავებ ამა მარხვას გარეთა" (ცისკარიშვილი, 1954: 176). ჩანს, რომ ანა მორწმუნე ყოფილა და ლიტურგიულ წესებს იცავდა. იგი იმედოვნებდა, რომ მარხვისა და სხვა ლიტურგიული წესების აღსრულების შედეგად, იქნებ, საშველი დასდგომოდა.

ვანის ქებათა მონასტრის კედელზე ანა რჩეულაშვილის ხელით წარწერილია ქაჯეთის ციხიდან ნესტან-დარეჯანის მიერ მიჯნურისათვის მიწერილი წერილის ორი სტროფი, რაც წარწერის შემსრულებლის სულიერ მდგომარეობას რუსთველის პოემის პერსონაჟის სიტყვებით გაამცნობს. წარწერის შემსრულებელს იგი ისე დაუწერია, როგორც ახსოვდა. ქალი, რომელიც იძულებით ჩანს შემონახუნებული, შვებას „ეეფხისტყაოსანში" პოეებს და მისით გამოხატავს თავის დამოკიდებულებას ცხოვრებისეული მოულოდნელობაში. იგი საკუთარი თავის გამოვლენას „ეეფხისტყაოსნით" ცდილობს, საკუთარ ფიქრთა და განცდათა საუკეთესო გამოხატველად რუსთველის პოემას მიიჩნევს, რითაც ქალის სოციალური სტატუსის შესახებ თავისი ეპოქის სულისკვეთებასაც გაამცნობს.

ანა რჩეულაშვილის მიერ კედელზე წარწერილი მაცხოვრის ხატისადმი მიძენილი საგალობელიც „ეაი გარჯილო ამა სოფელსა" წარწერის შემსრულებლის გოდებაა, ასახავს აეტორის მიძიმე სულიერ მდგომარეობას, რადგან მონასტერი მისთვის სასჯელი ყოფილა და წუთისოფლით ვერ გაუხარია. იგი გულისტკივილით წივის თავის ცხოვრებაზე, იმაზე, რომ დამტირებელი არაეინ ყოვლება, ღმერთსა და წამკითხველს შესთხოვს მიტევებასა და შენდობას, წამკითხველსაც ღვთისაგან შენდობას უსურვებს.

მონასტერში ახალგაზრდა ქალის გადაყვანის მიზეზი შეიძლება ყოფილიყო პირად ცხოვრებაში მომხდარი ტრაგედია, რადგან მონასტერში იძულებით მყოფი ქალი, მიუხედავად გეაროენული ჩამომავლობისა, მძაფრად განიცდის ქალის სოციალურ დაუცველობას, შეზღუდულობას. მართალია, ეს არაა აღნიშნული მის მიერ წარწერილ ლექსებში, მაგრამ მათი შინაარსობრივი განხილვა გეარწმუნებს, რომ ქალის სოციალური სტატუსი საკმაოდ დამცრობილია; ის, რაც მამაკაცს ეპატიება და რის გამოც მამაკაცი არ იხჯება, ქალს არ ეპატიება და იხჯება. ვანის ქებათა მონასტრის წარწერები დაგვაფიქრებენ და წარმოადგენს გეიქნიან XV-XVI ს-ში არსებულ გენდერულ უთანასწორობაზე. წარწერებში ანა რჩეულაშვილის სახით წარმონდა მგრძნობიარე, ცხოვრებით გაუხარელი პოეტური ბუნების მქონე ახალგაზრდა ქალი, რომელიც თავის განცდებს სიტყვას ანლობს და ცდილობს თავისი ფარული, მძაფრი გრძნობების კედლის წარწერებში შენახვას.

წარწერათა ერთ-ერთი აეტორი, შადაბანი სულთანიც, იძულებით შემონახუნებული ყოფილა. მისი ცუდად წასაკითხი წარწერა წარმოაჩენს წარწერის შემსრულებლის აღტაცებას მიჯნურით, რაც, აეტეთეე, მოწმობს მისი განცდალკეების მიზეზს, როგორც ჩანს, ისიც უიღბლო სიყუარულის გამო მიუყვანიათ მონასტერში.

ვანის ქებათა მონასტრის კედელზე გეხედება ხეარამსეს შეუსრულებული ერთი წარწერა,

რომელიც ლექსი არაა, მაგრამ შინაარსობრივად საკურადღებო. ჩანს, რომ ხვარამზე და ვინმე გოზალა ერთმანეთისათვის დაუშორებიათ, ხვარამზე იძულებით აღუკვეცაეთ მონაწევრად. ყოველივე ამას ტრაგიკული განცდები აღუძრა ქალს. ისიც იმავე ეპოქის მცხოვრები ჩანს, რომელშიც ცხოვრობდნენ თუმიან გოჯიშვილი, ანა რნეულაშვილი, გულქან შალიკაშვილი და შადაბანი სულთანი. ხვარამზე წარწერა მხოლოდ ინფორმაციულია: „ვინც შეგვიბრალვებთ მე და ბატონს გოზალას ჩემისა და იმის გამყრელობასა, ესეც უნდოდა, ეამე თუ ერთმანეთისა სიკვდილის და სულთამოსელის დროს არა დაეხუდეთ... შეგვიბრალვეთ, ღმერთმა გამიგონოს, რომე როდისცა მე და გაცლავდა... ბევრი ვიტირეთ ესრე ჩვენ. თქვენ ჩვენ შეგვიბრალვეთ... გულთაგან დამდნარსა" (ცისკარიშვილი, 1954: 178-179). წარწერა მოწმობს მისი შემსრულებლის ტრაგიკულ ხედვებს, რასაც ძლიერ განიცდის ქალი. მას სიკვდილის მოლოდინიც აფრთხობს.

ვანის ქვაბთა მონასტრის მონაწილე ქალები სხვადასხვა თაობის წარმომადგენლები, თუმცა, ერთი ეპოქაში მცხოვრებნი უნდა ყოფილიყვნენ. მათ მიერ ვანის ქვაბთა მონასტრის კედლებზე შესრულებული წარწერებით შესაძლებლობა გვეძლევა მთელი საუკუნის - XV საუკუნის II ნახევრისა და XVI საუკუნის I ნახევრის მანძილზე გაავადგენოთ თვალი ქართული ლიტერატურის განვითარებას და დაეაკვირდეთ ქართული ფოლკლორის იმ დროისათვის წერილობით დადასტურებულ ნიმუშებს. ამავე დროს, ვანის ქვაბთა მონასტრის წარწერები წარმოდგენას გვიქმნიან XV-XVI საუკუნეებში არსებულ გენდერულ უთანასწორობაზე.

### ლიტერატურა:

- კ. კეკელიძე, კედლებზე შერჩენილი სიცოცხლე, გაზ. „კომუნისტი“, 1959, 24.II. #45 (11351).  
 შ. ონიანი, „ეფესოსტყაოსნის“ ორი სტროფი ვანის ქვაბთა მონასტრის ერთ წარწერაში, საიუბილეო კრებული, მიძღვნილი აკად. კ. კეკელიძის დაბადების 80 წლისთაეისადმი, თბ., 1959.  
 შ. ონიანი, ვანის ქვაბთა მონასტრის წარწერების პოეზია, ე.: „საბჭოთა ხელოვნება“, 1959, #7.  
 შ. ონიანი, ვანის ქვაბთა მონასტრის წარწერების პოეზია, ე.: „საბჭოთა ხელოვნება“, 1960, # 8.  
 ა. შანიძე, ქართული ხალხური პოეზია, I, ხეესურული, ტფ., 1931.  
 ე. ცისკარიშვილი, წარწერები ასპინდის რაიონიდან, მასალები საქართველოსა და კავკასიის ისტორიისათვის, ნაკვ. 30, თბ., 1954.

ნესტან სულავა

**Жизнь и деятельность поэтв-женщин из монастыря Вани по перспективам гендерного равенства**

Резюме

В монастыре Вани, в котором в XV-XVII веках существовал женский монастырь, в стенах изображены рифмы, некоторые из них написаны ими, большинство из них являются независимыми или народными материалами. Писания сделаны Гульканом, Ана Рчеулашвили, Тумяном Годжишвили, Шагабани Султаном и Хварамзе. Будучи красивыми физически, но волнуясь из-за личной жизни, у них были любовники, из них они были разделены по неизвестным причинам. Будучи разочарованными, они доверяют стенам монастыря, молясь спросить у Бога мир и исповедь. Они полны эмоций, недовольных своими пожилыми поэта молодыми женщинами, которые испытывают свои чувства к словам и пытаются сохранить тайные жесткие чувства на стенах монастыря. Эти сочинения дают ощущение общего неравенства XV-XVI вв.

Nestan Sulava

**The Life and Activities of Poet Women from Vani Monastery by Perspective of Gender**

Abstract

In the monastery of Vani, in which in XV-XVII centuries there was female monastery, there is depicted rhymes in the walls, some of them are written by them, most of them are independent or folk materials. The writings are done by Gulqan, Ana Rcheulashvili, Tumian Gojishvili, Shagabani Sultan and Khvaramze. Being beautiful physically but worried because of personal life they had lovers, from them they were separated by for us unknown reasons. Being disappointed they trust to the walls of monastery, praying to ask from the god peace and confession. They are full of emotion, unhappy with their life poet young women, which are given their feelings to the words and trying to keep the secret hard feelings on the walls of monastery. These writings giving the sense of general inequality of XV-XVI centuries.

რეცენზენტი: პროფესორი ნაზი ხელაია